

唐
文
續
拾

唐文續拾卷六

榮祿大夫二品頂戴前分巡廣東高廉道加四級

臣陸心源輯

常袞

全唐文四百十有傳

謝冬至賜羊酒等表

臣某言中使某至奉宣恩命以至節賜臣者聖旨頻降榮賚過優以周官百品之珍載頒其實雖魏臣五熟之釜豈容其多受賜踰涯拜恩失次臣出自孤微素常貧苦食不滿腹竊誠修身且祭不揜豆飯惟脫粟昔賢之美其儉可師敢望豐盈重彰尸曠而雨露

偏施歲時益榮俾奉先之饗味兼陸海合族之宴甘
及膏粱又沐深慈下霑中饋以感以慶啟處難勝無
德無功慙惶罔極

謝勅書賜臘日口脂等表

臣某言中使某至伏奉某月口勅書并手詔勞勉臣
等兼賜臣衣一副臘日口脂紅雪一合中和尺一貞
元八年厯日一通陛下道邁古先德動天地凡於一
物必寄聖慈欲臣襦暖慙嫠故衣裳是賜欲臣除去
人患故良藥下霑欲臣永駐衰容故馨香流潤新厯
方啟慶昌運之無窮彝尺辨才審度量之不昧力微

賜重捧戴兢惶臣無任踴躍之至

謝勅書賜臘日口脂等表

臣某言中使郭昕至伏奉手詔并賜臘日口脂紅雪貞元九年厯日等拜受怔營不知所措臣某中謝伏以玉散降於仙官金膏流於祕藏含芳咀味覺六府之和潤骨凝膚改三年之觀況復惟新聖厯受朔齊人稱慶戴恩倍萬恆品不勝踴躍之至

謝勅書賜臘日口脂等表

臣某言中使吳千金至伏奉十一月九日賜勅書手詔存問臣及將吏百姓等自天渙汗徧施穉孺普及

纖細歡呼未暇聖念再加老幼捧恩感動肌骨又以臘日將及賜臣紅雪口脂各一合貞元十五年厯日一通跪啟緘封榮抃相集伏以方傳上仙藥成中禁卻老除患妙絕如神嘗所聞知豈期親授況階冀候朔晷度不差蒲柳微生又膺天厯恩波逾重跼蹐難勝不任感恩荷聖踴躍之至

授孟子周太子賓客刺

勅聞匹夫之愛其子者猶求明哲爲之師賢善爲之友而況於羽翼元子賓游東朝非舊德耆年孰副茲選前守光祿卿騎都尉賜紫金魚袋孟子周詞藝飾

身端厚居業厯官中外休有令聞人推君子之風朝
洽名卿之目副予求舊咨爾誠明勉修諷喻之詞以
俟元良之德可守太子賓客勳封如故

減放太原及沿邊州郡稅錢制

門下朕思三五已降誰能去兵文武之道參用爲理
況以寡昧獲承丕構環四海九州之大子圓首方足
之多一夫之疾痛必軫其憂一士之忠勞必思其報
一風一雨之僊候必申其所祝一士一役之橫費必
念其所來業業兢兢如卽深薄雖興兵動眾非予素
懷而伐罪弔人有國常憲干戈一舉飛輓是勞緣路

徵輸指期朝發耕夫不遑於隴畔織婦有輟於機中
予之疚懷豈忘終食頃以虜騎犯塞王師戍邊今以

潞寇阻兵靈旗指境一作晉始無虞於塞北復有征于

山東勞者未安居者遽擾一作甯逸蓋不獲已且多懼焉

念其徵發師徒道路供給地素貧徧物力已窮今欲

及徵秋稅之時宜有蠲免用布慈仁之澤冀爲疲瘵

之醫免副曲恩永安生業其太原管內忻雲汾代蔚

朔六州振武天德及河中晉絳陝沿路州縣今年秋

稅及地頭錢宜放免河南府亦是供頓往來道路比

晉絳太原卽免編并其沿路畿縣及河陽汜水縣秋

稅地頭錢量放上供一色其合留使留州錢物各委
本道觀察使且放欠額數聞奏當與商量於戲朕君
臨萬方子育兆庶務將去害豈謂佳兵上天鑒予立
功福善仁聞掃殄其樂清平未間之心憂愧而已凡

百多士宜體朕懷

閩刊本
常衮集

李吉甫

全唐文五百十二有傳拾遺卷二十四

請修天德舊城奏

伏以西城是開元十年張說所築今河水來侵已毀
其半臣量其事勢不堪重修若別築新城所費殊廣

計其人功糧食及改屋宇比及事畢不下三十萬貫錢此但計費猶未知出入之處城南西卽爲水所壞其子城猶堅牢量留一千人足得住居天德軍士合抽居舊城豈可更居版築虛棄錢物若三城是國家盛制仁願舊規亦須得天德添兵然後有人修築按天德舊城在西城正東微南一百八十里其處見有兩城今之永清柵卽隋氏大同城舊理去本城約三里已下城甚牢小今隨事宜置仍本天德軍額北城周迴一十二丈高四丈下闊一丈七尺天寶十二載安思順所置其城居大同川中當北戎大路南接牟

郝山南又是麥泊其地良沃遠近不如天寶中安思順郭子儀等本築此城擬爲朔方根本其意以中城東城連振武爲左翼又以西城豐州連定遠爲右臂南制黨項北制匈奴左右鈎帶居中處安誠長久之規也尋屬祿山有事子儀留老弱于此城身率大眾河北討賊爲賊將宋星星所破縱火焚燒遂移天德軍永清柵別置理所于西城只緣添兵未得且因循併在一處力所不足實非遠圖臣久訪略已計科約修此城不過二萬貫錢今若于天德舊城隨事增飭因有移換仍取城隸于天德軍別置使名自爲雄鎮

以聲勢可讐殊隣

元和郡縣圖志卷四

請置飛狐錢坊奏

臣訪聞飛狐縣三河冶銅山約數十里銅鑛至多去飛狐錢坊二十五里兩處同用拒馬河水以水解銷銅北方諸處鑄錢人工絕省所以平日三河冶置四十鑪鑄錢舊跡並存事堪覆實今但得錢本令本道應接人夫三年已來其事卽立救河東困竭之弊成易定接援之形制置一成久長獲利

又卷十四

請涪州仍屬黔府奏

涪州去黔府三百里輸納往返不踰一旬去江陵一

千七百餘里途經三峽風波沒溺頗極艱危自隸江陵近四十年眾知非便疆理之制遠近未均望依舊屬黔府

又卷三十

李紳

全唐文六百九十四有傳拾遺卷二十八

唐政博陵崔氏夫人歸祔李府君墳所誌文

夫人博陵崔氏祖璉父緯以貞元丙寅歲移天從于李氏先府君禮也府君以元和庚寅歲終于無錫縣私第以元和丙申歲歸祔于白鹿原夫人以大和甲寅冬十月十五日終于越州觀察使之官舍春秋六

十有九夫人無嗣子有女子一人已出也嫁于河東

裴達達亦先霜露孤女歸我與弱子苑苑先祖母夫

人兩日疾終開成戊午歲春正月啟夫人於梅李與

歸缺二北苑歸其裴氏大墓夫人合祔于先兄奉禮

府君缺二秋七月既晦乙酉合封禮畢夫人柔淑謙

順之德詳于府先誌嗚呼夫人有姊妹五人而鮮兄

弟先兄娶夫人而無嗣子夫人之女子適裴氏一子

中殤以亡崔李裴三氏皆絕胤豈天平不知皆陰隲

耳銘以誌言用符玄室銘曰

奉禮清德夫人淑儀廿五載和鳴婉隨諧彼瑟琴終

無祿仕家食是肥荊釵自貴商庸有偶伯道無嗣歸
缺三 鳴呼永祕石

李德裕

全唐文六百九十六有傳拾遺卷二十八

甘露寺重瘞舍利記

有唐大和三年正月二十四日於上元縣禪眾寺舊
塔基下獲舍利石函以其年二月十五日重瘞藏於
丹徒縣甘露寺東塔下金棺一銀棺一錦襪九重皆
余之施也余創甘露寺寶刹重瘞舍利以資穆皇之
福也江浙西道觀察等使兼潤州刺史李德裕記

蘇詩

施注引玉
壺清話

柳知微

知微大中中朝議郎前行京兆府富平縣尉

唐故潁川陳氏墓記

陳氏諱蘭英大和中歸于我凡在柳氏十有七年是非不言於口喜怒不形於色謙和處眾恭敬奉上而又諳熟禮度聰明幹事余以位卑祿薄未及婚娶家事細大悉皆委之爾能盡力靡不躬親致使春秋祭祀無所闕遺微爾之助翬不及此無何疾生於肺纏綿不愈以大中四年十二月三日終于昇平里余之

私第年四十先有一女曰婆女五歲不育今有一男
曰貂蟬年未成童卽以其月十一日葬于長安縣永
壽鄉高陽原慮陵谷變遷失其所在遂書石紀事置
諸墓門云爾

李仲文

仲文大中時鄉貢明經

唐義昌軍故衙前將守左衛朔州尙德府別將
員外置同正員賜上騎都尉劉府君墓誌銘
并序

名望彭城于來久矣貞乎遠代世傑殊倫府君諱士

弘字士弘始祖門前晉時坐而待旦臺閣風生白威
神揚色不可犯征南將軍元海之苗裔也皇考諱幼
平字幼平家本薊門世居幽莫干戈之際避地斯焉
奕葉傳芳胤流滄海德高匪仕縱逸雲林以山水爲
善隣以琴書爲良伴逍遙自在可爲世仙全而歸真
古今罕並府君則公之季子也少懷明敏上智天生
言維經邦信必通遠志可櫟直行無回邪公稟職軍
門四十之載統更水陸二十餘年常履春冰毫無秋
犯謙勞自德不止喧囂松筠不易於炎涼誠節益彰
於寒暑方將鵬搏霄月驥展遐龍孰謂杞梓秋摧琳

瑯寒缺公因少理寢病俄乖二豎忽止於中霄兩楹
奄之於長夜春秋七十有二大中元年四月廿九日
窆於浮陽城東南御河之際蓮池坊之私第嗚呼天
將擇善哲其亡乎夫人田氏當年從眷禮請皆賓謂
鈿鏡而長懸其餘永保覲斯存歿覩晝如霄情同日
月之一虧心等江河之半竭顛容索髮氣絕聲沉化
石摧城將未比矣三從不墜於古今百行甯乖於閭
里班姜可及曹孟齊隣端處凶幘血淚相繼嗣子長
曰友亮仲曰友慶季曰友義次曰友忠幼曰友幹等
五子號慟万眾喙然感愁雲之遍生得弔鶴而咸集

絕槩七日耳目血流哀戚過情荒迷似性以大中元年丁卯歲十月癸巳朔十七日己酉宅兆於滄州城東北五里清池縣界葦林鄉王賓村之私第古原神埠之崗禮也恐年代改易陵谷推遷刊貞石於泉垵永爲不朽者矣乃其詞曰

公其令胤嘉聲自振好道清修謙恭恪慎其旣忠於

國復孝於家豈期穹蒼降斯禍澤二福成兮將託大

運兮寂寞月照兮泉門風生兮夜壑三逝水湯湯野

田茫茫星移月落地久天長四古原兮其來歲月將

久新墳兮口平川松墓口龍虎兮日夕盤岡子孫兮

千年不朽

其石
五刻

閻周彥

周彥咸通中幽州節度要籍宣德郎試太常寺奉禮
郎

嫫瀛莫三州刺史閻好問墓誌

中丞諱好問字子裕其先河南人也以咸通十四年
仲夏月二十五日卽世於嫫州官舍壽六十有四蜀
巴西太守芝三十四代孫二十三代祖冀州刺史鼎
皇貝州長史試大理評事諱昱嫡孫禰諱晉皇不仕
妣扶風馬氏漢宮大練蜀郡白眉之洪胤也會昌中

燕帥贈太尉蘭陵張莊王念切重甥特署衙職功因
破虜官奏憲階心務廉平志尙章句莊王嫡直方以
戶部襲位情娛弋獵性樂微行常以謹言維持嚴於
宿衛莊王猶子德輔潛祈大福陰搆禍階爰從東弟
直臨正寢乃被堅執銳從辰泊申威掠前鋒血盈左
脅戶部遽選名醫始獲痊復明年冬諫戶部吐以血
誠請覲龍闕時台席白公敏中俯察邊勞持論半刺
宣皇恩詔授宿州司馬故天相梁園李公宗閔弟宗
拜守埴槁之日神驚陟屺望切倚門故府燕國公以
揆路師臨之時乃遵舊歧遐歸故里署爲幽都縣令

俄授幽府錄事參軍纔振紕繩又委邊壘授安塞軍使咸通初奏侍御史又攝納降軍使奏御史中丞地臨朔漠位亞竹符燕國公遐察字人試其巡警授節度都虞候有誰何之譽副旌櫜之心又授都押牙遠付專城實蘇邊俗授媯州刺史未踰朞歲授瀛州刺史今府僕射以貂蟬統戎之際推以新恩難膺舊秩授莫州刺史踰數月授幽府司馬以督察殷繁遂其閑逸重臨媯泃再治舊疆府師僕射哀慟存亡迭爲賙賻卽以其年仲秋月廿八日厝神於幽州之軋十里高梁岸南保大原先夫人尙氏合祔先塋之左今

夫人彭城劉氏卽莫州唐興縣令諱箴道之幼女也
淚灑朝晡痛無甯息有子六人長處暉討擊副使次
處庸未筮仕次處實討擊副使次處玄慕釋宗次大
端次小端皆童女二人長適幽州討擊副使張從
嗣已先凋天次躬莫州鄭縣主簿劉震燕靈王顯胤
二厯典午四改分符馴雉一遷烏臺三上賞文舉之
座慕元禮之門少遠暗膏慕遺清白周彥幼遵面訓
冠乃山居書讀素玉臧遷青綬深竹林之蔭已僅四
十年痛松戶之期未盈一百日徵其自敘規乃韋斑
敬述家風樣傳潘陸慮渝岸谷薪折松楸拔淚何窮

含毫直敘銘曰

胤從周室嬪榮漢皇巴西剖竹冀土分疆爰自河南
裔歸薊北名標隼旟位昇熊軾崆峒秀峙碣石壯臨
平原後聳乘水前潯棋木風悲泉庭月皎望斷塊封
永安宅兆石刻

馮元度

元度咸通中人

西方龕記

述曰嵐飈旣振吹大塊而豎八維闢闔乾坤方覩二
儀缺退影之方太白光其中昭矩統其位惚現化剎

獨以極樂標

缺

虧短之患恆保解脫之樂人皆身口

意淨狀同七寶之池累一百蓋遊□便爲八德□□

□運吹聲傳般若之音人鳥和鳴鈞點合苦空之曲

寶幢從崑花蓋范瑛珠網玲瓏樓臺隱映斯則極樂

世界之□事也中有教主號阿彌陀佛唯佛也至尊

之號唯法也理盡無遺之稱常以一法化人位分九

品之差觀行多□數□十方之異□念成就便得往

生於上品盡報受持定證補處之最尊斯則阿彌陀

佛方便之力也觀音奉旨傳揚於南瞻部州那至□

□常在他方世界昔有國大皇后字□提希棄寶位

則願坐於金蓮厭多影則求證於法□於□卽便證
□□之□須臾之間特放五毫之相斯則教法之力
也今有弟子馮玄度幼懷遜悌長有英稱儉約循身
孝儀苦節母李氏惠和□□柔順天生庭之儀範不
虧葛藟之詠常奉母告子曰人居幼境孝義則資素
王之禮至於請福延齡須憑諸佛之力遂乃育玉刻
貞石而爲佛像綉優填聖主鎔金範素於旃檀今有
北巖靈境宜爲西方勝事於其中母子傾誠遂召良
工利穎纔施初疑彌勒下生事畢功成忽覩四方世
界造者無非尅銘表別辭盡德廣謹勒於贊中贊曰

太極之功万境寂默二儀位定八方表則西之一境
蘊善儀或佛居其中秋容岐嶷蠲滅八苦滌蕩六□
教流南贍念佛爲德觀音□□潛運神力應天順人
□啄無忒檢念成就便生淨域鑄造供奉其功最極
金字題名□功紀德令名轉麗榮貴万億石刻

郭崧

崧咸通中鄉貢明經

藥師像讚

并序

粵有東方去此佛刹恆河沙彼國大師厥號藥師琉璃
光如來經云以白銀琉璃爲地宮殿樓閣悉□七

寶亦如西方无量壽國无有□也此藥師琉璃光本
所修行菩□道時發心自誓行十二微妙上□令一
切眾生所求皆得慈如是崧等思火宅之難想無依
倚遂說諭鄉人恃平內典頓悟迷津遙相誘化至誠
結願方會無上之因各以捨財不怙與道齊通迴心
堅貞奔馳於此立召良工彫磨斯像使信士等日加
精勤時無懈怠用功計日備矣莊嚴具相真如恩布
之容禮者福利無疆念者禍灾永滅自茲懇願國祚
永延朝賢無缺元戎布德澤潤生靈牧宰常安人民
鼓腹龍神后稷潛佐人天風調雨順國泰連綿施主

邑人等生生值佛世往往唯聞解脫音德垂後裔令
望古今乃祖乃父世篤忠貞子子孫孫引無極也復
願幽冥先亡早離三塗內外姻親咸登法會時屬咸
通貳載歲臨辛巳九月壬申十五日丙戌用表成功
以明著矣洞徹空宗志謂斯文

巍巍堂堂光振遐方恩霑草芥蠢動令康賴者必副
魔弃郊荒自茲永泰萬國咸昌

其善哉善哉禍去福

來英人哲人捨食捨財以懷多福法門常開願生彼

國長處蓮臺

其二刻石

澹麟

麟咸通中朝議郎守太子詹事柱國賜緋魚袋

范陽盧君妻京兆澹氏墓誌銘

予娶潁川陳氏生夫人卽予之長女也。夫父諱。官至國子博士贈散騎常侍伯舅諱修古亦由官。歷復郢二州刺史皆以背碑覆局得名。故夫人自幼少知書敏悟得中外之風和淑爲搢紳之表。大中五年予掌白馬。書奏遇范陽盧楨遂妻焉。良人守士風居覃懷一邑無趨名利意。故居止茅茨食止藜藿而夫人與之同。此曾無一日萌不足意。始初逮事先姑每進殮粥未曾不躬親調味以取適口。噫女得婦

道斯謂全矣咸通十年五月遣一介至京師招國荒
居詰其故曰盧氏夫人被病不救矣生子男三人男
循父教女承母訓可謂大其門矣母兄融官任宣城
令予素達死生之理況當衰邁之年乃遣單人口備
情禮嗚呼哀哉其銘曰

生有歸得婦道母儀沒奚悲盡修短之期窮辛富貴
口如斯難素期刻銘於石寘泉扉

修武志

魏深

深咸通中鄉貢進士道州軍事推官

書李當事

公嘗自中書舍人乘廉車問俗湖南他日宣皇帝注意急徵值公南風中足不克見久之乃有金貂之拜洎足力如常除戶部侍郎尋出尹河南移宣口鎮褒斜驚然龔黃之理爲天下最士君子莫不延頸企踵日望霈然爲□□霖雨先帝知之拜天官氏歲餘除尙書左丞於時奸臣竊國柄凡以直道事主不附於已者悉去之由是出牧於道道人比歲陽九之災山民蟻聚爲賊且起三州之兵以翦之於是公以書先諭而招之洎到郡之日則遣使以逆順之理告之禍福之門納之不瑩尺刃而山賊革面皆得保生生之

福耕於野而歲再稔道人由是不聞夜吠之犬今則
四凶已去元□用之請書其事敢爲前賀時自道移
申及此拜□得歸西掖咸通十四年十一月廿五日
魏深題石

蕭珙

琪蘭陵人

河東節度高壁鎮新建通濟橋記

粵茲雄鎮實河東軍之要津封接蒲城當舜夏墟口
舊地有關曰陰地有亭曰鴈歸固晉川之一隅通汾
水之千派金流洶湧林麓森沈東控介轡西連白壁

峯巔萬仞壁峭千尋足食足兵有威有固則代郡鴈
門何越之有至若駟騎星馳華軒雲湊往返駢闐者
皆中朝名士悉憩駕於鴈歸亭未嘗不題藻句紀年
代也西南松門洞豁逕通千里巖巘隱映口輪礮者
居焉口暝遺運者眾混流箭激不可渡之雖有葉舟
過者懷疑或覆溺谿人或駐滯遊子凡經渡者咸有
咨憤之詞伏會兵馬使清河張公領是鎮初有關城
居人百姓等偕詣柳營請剏建長橋以導達津阻公
挺旆人表導全禮樂器兼經濟才爲時生深惻隱運
良籌允所陳而召節級僉曰吾北離旌榮南過斯軍

致舟車不便眾有憾容胡爲關河字人矣遂請當鎮
咸通觀音院主法大德普安口勸口輩結聚青鳬兼
自減月俸以咸通九年戊子歲五月九日興良工政
綱條畢能乘時逐便自利出材勉爲甘言賞勵短匠
不日畢成是橋長一百尺闊一丈五尺下去水四十
尺剏置門屋立鑲鑰安華表柱俾閭者潔嚴掌轄署
其名曰通濟其南南有古之魯氏石橋雖名揚寰海
而通濟之義莫大茲也由是自華亭鬪虹樑飛鵲腳
架雲棧迴朱檻化蟬蛸於洪波騰華鶴於朱戶炳煥
方面蓋以壯皇家天外北門之咽扼耳囊者亭際中

流有怪石蹙浪聲砰轟若雷霆震而不息兩堤人口
辨其言音狀有蛟螭潛處其下居者嘗虞罕窺其禎
咎公以建橋之日奠餽酒祝之其聲頓止是□□規
風振俗兆應昭彰故得磊落妖聲潛彌水府以表我
公之勲業巍巍乎愚才非敏達得不紀□殊續載綴
斯文用刊貞石是十三年壬辰四月十五日紀金石續編

鄧暗

暗咸通中攝資州錄事參軍

造觀音像記

弟子攝資州錄事參軍鄧暗自去年三月九日到官

遵守教條匡持眾務自以耿直爲事翻遭猾吏加誣
至五月廿九日口命停務暗仰祈陰隲下燭無羣因
發願奉爲相公及當州使君造二大聖金采睟容煥
乎圓備果蒙如訊口監深冤至其年十月十七日蒙
相公迴垂仁鑒俾復本官若非聖力所加安得無移
舊貫今者因齋慶讚口表丹心爰口十聖以彰靈應
時咸通十四年歲癸巳六月八日記石

沈懽

懽咸通中鄉貢進士

國清寺止觀堂記

嚮者我大中七年九月十日有日本國大德僧法號
圓珍俗姓殷自扶桑而來抵于巨唐福建旋適五臺
復止天台國清傳西域金人之教我師幼能拔俗剃
度出家以慧鏡內明戒珠外朗作昏夜之燭爲苦海
之舟誓願維持三乘妙理以彼方尙闕此土可求俄
拂麻衣飛玉錫至遊歷此寺數換星霜陟華頂之峯
禮大師之迹此地自會昌廢圻之後大中恩旨重興
佛殿初營僧房未置白衣居士經行而曉泊浮雲青
眼沙門座定而夜棲磐石師乃瞑心起念言發響從
爰得郢人伐幽林之檉栢丁丁之響朝發南山落

之材暮盈北塢妙運斤斧長短得規巧引繩墨曲直
成準功不逾月其如化城翬飛而彩曜庵園勝槩而
光揚鷲嶺以十年九月七日建成矣法師卽住持此
院苦節修行以無爲心得無得法遂挈瓶錫告別東
歸卽十二年六月八日矣有趙郡李處芳名達爰來
告愚與師有舊東望雲外空增浩然仰梵宇之寬斯
其功莫大乃命予實錄其事唯慙不文咸通二年五

月十日記

日本隣
交徵書

李儉

全唐文七百八十八有傳

幽州大督府兵曹參軍陳君墓誌銘

皇唐甲子四周歲在丁丑夏四月甲戌陳君沒於府城之肅慎里越月景申晦葬于幽都縣禮賢鄉之平原惟君孝達於神祇悌流於鄉黨信稱於朋執業著於官曹惠施於危亡文形於述作自束髮至啟手足言絕浮僞行無玷缺爲學不勌濟物不匱皆章灼炳煥不可備舉其迴出人者今得書之執親之喪頭蓬不櫛面垢不饋負土成墳必自己力殘形埏埴之間寄命晷刻之際泣盡繼血五周天星府縣旌表簪裾高尚雖從仕進抱終身之感焉蓋人之難能後有從

事韋雍死於亂鋒琴瑟併命老母弱子拘諸佛寺音
信不通樵蘇不爨君與其弟遊慊若已咎痊其遺骸
慰其口蠶晝乞州里夜餉殮饗進思吏訶退憂室謫
後詔訪遺類官給葬事亡者免飫於烏鳶存者復歸
於鄉井名教感其仁豪傑尙其義此又難之尤者繇
是然聞善價汪洋郁烈翔于道路動于公卿於是羣
賢推轂元侯授簡年過強仕方從命官釋褐授檀州
參軍非其志也俄改幽州安次主簿管護軍表疏府
換署府兵曹滿口重假前任職業聿修聲華日美方
期大用遽蹶修途春秋五十有八府主痛惜聞于上

公贈賻有加軫悼踰等平生交友如斷手足相與扶
服禮如碁功甯止慟於寢門而已君諱立行字晞顏
昔周武封帝舜之後於陳國縣於楚派支于燕代爲
荀人祖輝父從皆養志含口學而不仕娶河東柳楚
女有男子女子各一人並在孩孺長兄良貴口其葬
事君之伉儷韋氏之出韋氏又予之出也本矜慎配
遽此嫠口撫存悼亡刻石納隧銘曰

烏虜陳君人之良錯綜四科及五常孝旣至兮節旣
彰名卓著兮道逾光神默默兮天茫茫宜福而壽反
禍殃妻弱子幼兮行路咸傷一閉佳城兮地久天長

刻石

月

卷之三

三

三

唐文續拾卷七

榮祿大夫二品頂戴前分巡廣東高廉道加四級

臣陸心源輯

王悚

悚廣明中文林郎守滿城縣令辟軍事衙推

開元寺隴西公經幢讚

并敘

上谷郡扼燕趙之中樞標河山之壯觀俗惟獷悍兵
本驍雄苟非正人孰董斯任洎天子憂邊乃心北眷
爰命隴西公付之是理公承榮鼎鼎積慶庭闡勳功
倚天寵貴蓋代莫不銀黃照路榮戟盈口列藩翰以
推才非由黨援繼軒裳而受命盡出忠貞惟公器能

迥拔乎萃實爲世濟其美口不乏賢昔荀氏九公大
誇晉室楊門五組獨耀漢朝方之寵榮諒有慙德況
公宏才博識應物知機洞教化之根源導生靈之骨
髓內足以闡提聲教翊贊謨猷扶社稷之洪基外足
以戡定戎夷恢張土寓壯皇王之大業始者褰帷問
俗露冕觀時頒政事於六條類網盡舉播威聲於十
郡異化斯彰且楊震懷金徒爲克慎胡威賜絹未曰
清貧弃無益以功成賤易物而民足刑期不濫劉寬
何貸於蒲鞭信及無私郭伋詎慙於竹馬由是西臨
朔塞北拒胡塵或刁斗晝驚或烽煙口起雖軍兵示

勇壁壘爭雄而蜂蟻難防犬羊易擾公乃增崇雉堞
克濬池隍頒月俸以具口糧伺農隙而興畚築量功
命日慮事庀徒楚令尹以立沂城方之未重趙宣子
之臨晉國比此攸輕而又創修馬軍營別立防城院
當講武論兵之地實曰訓齊在夸戎耀狄之秋何妨
致備沈機內設妙畫斯彰蠱修廡以連雲傲橫軒而
對日文槐朶映藻井交分旣大壯於軍威亦允陳其
師律至若武賁鼉肩鐵騎爰翹森鉞棘以霜攢聳口
幢而岳立精而養銳習以程功連營懷缺七射雕之
勇頃以苗螟作厲菜膳興災致比戶以流離當數年

之耗竭加以橫征重斂

缺六字

須何嘗曠日公乃大

敷仁愛深軫疲羸一年而俗阜時康再歲而家給人

足自然

缺五字

雨知期隴多合穗之祥川有還珠之媚

市無易賈農不遷業將畏愛以兼行在恩威而畢口

高樓□□□貨賁而如山廣陌長衢沸歌鐘而若市

既庶且富極樂無荒昔爲獷戾之邦今作繁□之地

邵父杜母□自前聞羊字賈名仰爲虛稱市老□謂

曰夫百姓不能以自治是立君以治之明君不能獨

治是爲臣以佐之□公之賢其孰能繼誠歎詠之不

足遂贊呼以無窮

缺五字

陀羅尼幢在開元寺上以光

昭懿績次以顯答休恩是宜刻石傳功垂文著美將
依妙法式贊嘉猷且釋氏廣慈敬之門開緣果之路
慧燈長照法海前流三十天共給青蓮之會百千
萬佛咸觀白馬之經況妙盡雕鐫功窮篆籀擎鳳
舉似倒龍宮鳥跡虫文如窺貝葉晴峯迥映便同靈
鷲之山曉木傍臨宛是祇陀之樹莫不金龍護助寶
刹莊嚴增壽劫於恆河布福田於淨域天長地久將
垂不朽之功萬古千秋永保無疆之慶讚曰

巍巍我皇膺圖受命挺生間傑匡時翊聖百氏丹青
九流龜鏡四岳惟賴六條斯正理若砥平心如□靜

剛以觸邪直不容佞人惟愷樂境絕紛爭獷戾懷柔
惇嫠遂性襦袴興謠倉箱起詠爰崇妙法用答良因
奇功既就眾願斯申規模盡妙彩飾如神千花互映
七寶交陳慈雲布雨慧草留春祥煙入座瑞鳥迎人
童艾歡呼而塞路齋壇戒潔以清塵將垂懿範永勒
貞珉唐廣明二祀孟夏九日記

石刻

郭筠

筠乾甯中攝涿州錄事參軍朝議大夫前行漢州綿
竹縣令柱國

蜀先主廟記

夫燕之南第一州曰涿涿之郡城雄峻山水清奇人戶殷繁農乘拔壤凡爲牧守必假賢明我太保彭城王蘊翼聖之沈機抱安人之妙算舉□三略動應六韜秉千里之戎麾持三方之相印以其郡□郡之最必當慎選其材乃命使持節涿州諸軍事守涿州刺史兼永泰軍營田等使諸縣鎮護鄉保勝攻討都指搆使檢校兵部尙書兼御史大夫上柱國婁公牧之公自莅是州敷和氣以應天時布惠澤而叶地利遂得餘糧棲畝朽粒盈囷唯聞鼓腹之歌頓絕分糜之歎是以封疆畢葺壕寨咸修人播謳歌事成容暇致

其險固皆自指揮邊烽無偵邏之虞武率有縱橫之
備論奇功則韓彭未是較至理則龔黃不高揚歷三
州撫綏一致遂使鄉閭相慶皆謳謠太守之恩寮吏
交歡悉感口使君之德仁覃遠邇道洽隆平汎龍章
鳳姿有叔夜仙中之趣瑤林瓊樹多夷甫塵外之儀
政化之飭訓練之暇凝神珠頂注意玉毫每分祿俸
之中以補伽藍之闕俾得蠅飛蠹動皆沐蔭口甘雨
和風自叶冥禱然後衙庭公署咸華麗於指蹤月榭
雲亭創新奇于心匠至于僧庵佛寶靈跡神蹤或一
經遊皆謀修飾丁巳歲仲春月因薦奠於蜀主歎其

年代綿遠，廟貞荒涼，棟宇欹傾，透風霜于几席，簪纓零落，雜塵登于珠金，欲再修崇，曠于故實，乃命軋使曰：顯其先主懿跡，俾得世人咸知，爾宜爲之，無所辭也。筠簪組微，流軒墀末，塵土但愧，賤毫徒懷雀躍之誠，叨紀龍飛之地，捧承嚴旨，誠謂斐然。夫膺天誕聖，應運披圖，未有無殊常之徵，而無特之兆者，分日□□□□月魄以騰輝，星律□□□表慶。此皆明於史傳，不接見聞，唯先主姓劉氏，諱脩，字玄德，涿郡人也。端啟奇業，言符法駕，遺芳尙在，傳異無窮。景帝之金枝靖王之玉葉□□□蜀國中興世。

以陸亭失侯而家涿鹿後因三訪謀臣而獲臥龍祖
父雄父弘世仕州郡孝廉官至東郡范陽令先主少
孤其母販履織席爲業□□南角有桑生高五丈
餘遙望憧憧如小車蓋往來瞻矚咸謂當出貴人時
先主與宗中小兒戲于樹下自言吾必當乘此羽葆
蓋車及長大意氣不羣形像出眾人皆奇怪其許絕
倫不樂披尋口便馳騁旣留心於音樂仍致意於衣
裝身長七尺五寸垂臂下膝顧自見耳少言語善接
人負不羈之才富寬和之譽薦厯艱計方叶霸圖至
建安廿六年四月卽帝位於成都武擔山之南章武

三年夏四月昇遐于永安宮時年六十三謚曰昭烈
皇帝泊乎南征北伐時屯運泰載之志記略而不書
以冠劒□□□陵祠宇崇於故里甘皇后配享於神
座之中諸妃嬪圖形於旒展之後孔明孝直股肱皆
列於東廂關羽張飛爪牙悉標于西廡威生戶牖武
耀庭除北□向高仙之台常連紫氣東窺海神之窟
遠讓清風當外境之要衝爲郊原之勝槩春祈冬賽
非獨功並於舜祠選異搜奇抑亦事同於禹跡今則
百堵俱作一夫不勞殿宇精嚴□□□必于神□肅
□之者自以□永爲涿水之光輝常作燕南之壯觀

昔以爲無廟名人皆口呼姓諱而久創之牌額用以
曉示口蒙若以昭烈之題又慮不詳故實口蜀主之
廬所貴易革俗風皆因創制之良規敢漏僉度之妙
道其於軍州寮使文武官口具載於文期於不朽時
唐乾甯四年九月五日刻石

王雍

雍口口中濰陽人

口口口題名

濰陽王雍聖欽郎中李愔義行之自邠並駕投館慶
壽將期于新平宜祿境上閱阡危磴以通行役因獲

四覽山川氣象之雄而旅懷吟酌有釋羈恨時忽雲
晦雨作禽鳥盡棲殿閣半空上下闐然信市口而不

口山

下石
缺刻

楊宏

宏唐末將仕郎守大安府大安縣尉

重修三郎君廟碑

泰山巖巖鎮茲東土宗長列嶽峻極于天天降明神

而

缺

天齊王卽其主也郎君卽王之子也別有廟宇

畫丹

缺

之音變化無窮陰陽不測年代浸遠靈異彌

彰周環

缺

藻稅之文塑像圖形乞靈徼福未有不

響之應聲者

缺

難遂罄俸錢建立碑碣怪異事蹟無

不具載頃歲以舊

缺

石文字錯亂磨滅不可復知近

有工人追琢翠珉訪尋

缺

申使府請詞以紀其事留

後僕射瑯琊王公樂善好文稽古博雅久安祿位

缺

寵光初臨是邦方思葺理纔聞其事欣然慰懷上欲

副聖君敬神明之心下乃資生民祈恩福之意遂令

虛薄

缺

上羣嶽之長東岱之雄天孫建闕

下

山左金石志

高諷

諷天祐中節度巡官朝請郎檢校尚書口部員外郎

侍御史柱國賜緋魚袋

太師中書令北平王再修文宣王廟院記

若夫厥初生人人不能自治必維天降聖而治之則
太始太素之古將口興起而莫之知泊乎容成大庭
羲皇口口之世缺六字之上以虛靜恬淡泊其下下以

抱質悅天奉其祀及厯唐虞時更三代當淳離朴散

口口樂刑罰而治之至周道中微乾綱不振皇靈屢

口論侵伐爲橫流懷譎詭爲常道君臣父子之禮憊

缺一人王霸之政致暴亂無象羣雄力爭萬口分缺一

字王口口口由是天降宣聖拯斯墜典缺二字時艱難

揮至教體合造化道均覆載弘用不極仰之彌高與
天地合其德照洞無際智周萬物有

缺一字

必鑒無得

而踰與日月合其明抱春生夏長之仁定陽開陰閉
之紀正五氣分三統與四時合其序索隱洞冥知微
知章變化無方玄覽無始與鬼神合其吉凶有德無
位志在垂訓立百王之軌爲千載之士師遇此周
衰載揚魯道宏敷典禮顯正國風故入其國其教可
知也行詩教則溫柔敦厚行書教則疏通知遠行樂
教則廣博易良行易教則絜靜精微行禮教則恭儉
莊敬行春秋教則屬辭比事是知

缺一字

上

缺一字

聖德

實爲教父所以和君臣順父子定人倫莫上於儒且
歷代王者唯蒸嘗之禮隨而絕之獨以素王區宇之
內聲教口在莫不備俎豆腥熟氣舉而不絕享薦焉
則天地口長久則知至德三子之言明矣是時也復
遇守文不篤中原蕩析鍾皇運之百六值四海之尋

缺二

道紛紜口武

缺一

熾禮樂由是道污儒宮又滋

枳棘屬今遇太師令公太原公應辰緯之純精稟口

口之秀氣天骨特異研道知機太史羣書罔有不

缺二

字宜愷悌教行禮樂寬惠足以愛人貞正足以威暴

遜讓足以協比德操足以垂範人洽其

缺二

降大和

德教充塞功敷動植固出口岐治穎之秀卽德及口

福也馳素翼霜毛之產卽德及飛走也八風不姦十

雨順暑卽德合覆燾也其將必忠士必銳卽德及軍

旅也耕者擊壤

缺一字

者行歌卽德及黎獻也泥仁被

昆蟲澤覃幽顯不可備得而稱焉蓋少明其大略也

值此四郊多壘痛毒元元天未悔禍人崩厥角余以

隄封不聳邑里底尋非我公獨以詩書禮樂化人成俗

則何以見興儒導訓變風變雅當俶擾之運行鄒魯

之道俾鄉黨之間復

缺一字

之風焉且以先師廟昔日

大中歲范陽盧公仗鉞東山因命再葺以今之去范

陽公又六十載顧時雖未久而摧朽攸深今所餘者
唯列序舊基脩廊遺堵矣公曰昔者夫子救亂世拯
頽綱垂五典顯七教敦忠孝博文行爲人靈之大訓
于今治國之道昭昭乎爲化之本缺二字使夫子之寢
廟不能庇於燠濕卽何以行其道忘其本能無愧乎
於是乃命步軍都虞候王超經營僦土揆時度費集
剏剔積榱楠匠石口口口役畢萃乃於天祐十三年
七月十九日始修正殿取規大壯綺棟交聳繡桷橫
飛藻梲沉沉璇題灼灼煥平華構肅然清廟所以火
藻龍章備若魯堂之貞桓珪穀璧璫如沂水之賢棟

宇輪奐象設咸備閭閻列侍翼翼有容次葺三禮堂
覽之見厯代禮備矣次創齋院以爲釋菜三獻修齋
之所次修學院及特建講書堂以俟近思切問之士
次列長廊廣室以止青衿橫經之子然猶於范陽公
前所製置之外復添建堂室至多則夫子之廟宇大
備矣時未周星百工咸畢夫如是其聖人受命賢人
濟時口立儒之教唯聖人行儒之教惟賢人卽魏之
文侯漢之文翁豫章之學臺南郡之缺二字皆於治平
之代師儒行教豈比我公當茫茫九服幅裂豆豉屬
茲多難光揚丕訓啟迪文教而行夫子之道化人修

夫子之宮勸學者哉校斯益美復冠前史顧惟鴻口
允昭永代諷幸參幕吏實以謏聞奉命紀石以旌不
朽時天祐十五年歲次戊寅四月癸卯朔廿一日癸
亥建石刻

羅袞

全唐文八百二十八有傳

櫛門銘有序

前惟王者之義無所不正或得賢以反國旣作枕杖
二銘以風復念時人歎於自修卒違善及禍或侈滿
不能長嗣因亦銘諸櫛銘諸門以勸

櫛銘

而有髮旦旦思理有心焉有身焉胡不如是

門銘

金樞玉鍵何足牢止盈修德後必昌

邛州志

張昭

全唐文八百六十四有傳

題寶鞏詩後

鞏囁嚅詩一何神妙恨此少不見其集聯珠之最也

戊戌歲中元前一日夷門旅舍書潛夫

寶氏聯珠集

按戊戌歲爲晉高祖天福三年

韓建

拾遺卷四十六有傳

辭揣摩時政得失告諭藩鎮奏

昔先皇帝幸蜀都之日陳敬瑄守鎮錦城過恃寵私
多所參預所以遠方觀聽物論誼然臣豈敢遵彼覆
車同其濫吹至於隄防道路拱衛乘輿夙夜在心是
臣之職

冊府

王仲父

仲父梁乾化中人

小蓬萊題名

王中秋社日主簿顏志道尉楊子章同觀主張義之
到是峪水聲寒玉山色迷靄深得仁智之趣觀夕陽
忘歸是日濟北王仲父題

山左金石志

利邵

邵後梁端州刺史

清泉禪院鐘款文

第子節度左押衙充府牆池內外副指搆使并都教
練使銀青光祿大夫檢校尚書右僕射使持節端州
諸軍事守端州刺史御史大夫上柱國利邵去天復
二年十月廿三日鑄造洪鐘壹口重壹阡斤於清泉

禪院供養永乞爵位高遷家眷甯謐此時設齋慶讚
訖久未得題號今專差匠人周匡往鐫字開平五年
六月三日重記

廣東通志

蔡曙

曙梁貞明中同禧觀察判官朝議郎檢校尙書兵部
郎中兼御史中丞杜國賜紫金魚袋

新修南溪池亭及九龍廟等記

沙海之北漆沮之陰有地外阜而中均對山而近郭
廣狹所口口口有餘囊括百物之容暉起形勝之質
藏奇隱怪實天設焉按梁載言十道誌云馮翊縣東

南口里有泉九穴同流卽此處也唐咸通中太守王公龜爲理之暇以其遙瞰蓮嶽葺亭而名之庚子年大寇犯關遂至燼滅乾甯歲連帥口公瑋再營斯構兼立龍祠塑貌不嚴檟桷草創雩祀止容於舉爵牲牢莫展於加籩棟宇雖存纔庇像設而已邇來亭沼堙毀舊跡微留敷政事多無力及此鞠爲蕪葦二紀有餘我太傅武昌程公佐命於經綸之始竭節於草昧之初許國漢礪盟勳過庭乃萊衣承慶一門之內四世同榮位高而愈見謙和功顯而略無矜伐昔韓侯拜將家不待於問安紀隲養親官不聞於列戟古

今倫擬未有如我公之盛美矣加以禮賢而曾彭比
節寬仁而不怒讎讐爰自璧田主留仗鉞斯鎮下車
而隣無不睦攀轅而人尙去思時屬兵火初銷里無
完室戎馬所及野有閑田先條薄賦之科次論恤刑
之典簡靜而每容小過廉平而唯舉大綱先以惠養
復逋逃次以繕修嚴雉堞廩食足而武備斯壯民瘼
除而閭里自康湯湛濬溝突矗金壘孜孜四稔急務
皆周一日謂都監尙書及副車司空諸從事曰此所
闕者宴賞之境矣遂親選勝槩爰及斯地乃命都指
揮使劉敬德左靜安指揮使丁約已下及元隨都押

衙員建付以營口之謀示以製置之略繇是剪蕪穢
築基址疏三池啟八亭制度悉有平等差岸澗各分
其涯渼或延薰風而滌煩熱或面大野以豁襟靈口
罷搖九曲靜分其洶湧雕甍未曉三峯已顯於嶙
峍然後再廣龍祠殿添鴟尾口關創設環口遍修廂
分拏攬之形離立鬼神之將並新彩繪表裏圻埒造
匱匱之長廊引前後之簷廡室分胙傳盃之地廣三
酌萬舞之庭兼以羣口輻湊眾派同流若暑雨暴飛
狂波突至不先有備必貽後憂別開斗門俾其通注
式減連山之勢免興捧土之譏諸將盡稟規繩一無

漏略而又遠移蕞芟多放修鱗地盤而磴道緣崗蛻
鬪而雙橋夾砌列植五千餘樹爲圃三百餘畦若榴
與桃李分行椅梧共杉松間色高檣藉雪方灑落於
嵇康翠帶按煙學雍容之張緒莫不眾益共擁一漑
無停紫牙暗換於陳根綠幄別添其新葢蓼辛蘭馥
各自任於天和夏實春榮都不知其移致大興口鍾
纔啖三旬簞然殊勝之功化出神仙之境有香皆納
無奇不呈愜目暢心不可譚悉緩季鷹之歸思堪釣
鱸魚資山簡之勝游何須習沼樂就而眾皆稱善悅
使而人不告勞至於犒賞所須材石之費悉自清俸

圓融一無擾於州縣若夫花光月燭之時促席汎舟
之興口肩疊跡舉白飛觴岸幘醺顏遊人相顧而言
曰此是壺中天地洞府春光又不知白蘋罨畫溪復
何如焉噫王公始作而未究其妙李公繼踵而罔盡
其工豈非天留盛事要顯我公之心匠乎陳留蔡曙
獲預賓席奉命而實錄其事口心入詠夢未驗於神
傳篆貝屢辭妙有慙於祖德貞明三年丁丑歲春三
月二十七日記

石刻

李彥賓

彥賓晉天福中人

石香爐記

隨使押衙李彥賓有願造石香爐壹□□者伏爲與
父司徒離缺有虧參勤遂啟丹誠□此功德願早父
子相見事官清吉合家安樂永無哉苦天福八年九
月日記石刻

許九言

九言周顯德中朝散大夫試大理評事行秦州成紀
縣令兼監察御史

故鳳翔節度使秦王贈尙書令李公楚國夫人

高平朱氏墓誌銘

并序

粵若衛人興詠莊姜推賢德之名周道克隆文母預
功臣之數豈不以開開叶美灼灼摛華彰懿範於一
時飛英聲於千古自天鍾秀何代無人則我故楚國
夫人之謂也夫人梁祖裔孫冀王長女王卽帝之長
子也諱友謙字原空三字處親賢之地力贊經綸當禪代
之時首分茅社初司留於陝服後節制於蒲津旋屬
季弟臨朝嗣君失德懼奸臣之搆亂思轉禍以晷安
觀三氣於晉陽瞻烏送款求援師於陳寶插羽論親
果因協比之謀克就中興之業書諸信史載在豐碑
母燕國夫人張氏生本將家稱爲賢婦贊梁室惟新

之兆宣王門內佐之風國人咸賦於鵲巢帝澤遂封
於石窳夫人之兄並蠅頭學贍鯉腹書精爰從問禮
之庭皆未專征之任貂皮蟬翼裝冠冕以臨民虎節
龍旌擁貔貅而制敵或登壇於左輔或推轂於許田
三戟交門萬石當世先秦王素稱霸業奄有關畿四
海仰之爲真人諸侯奉之爲盟主後秦王以地居冢
嫡任在股肱方作翰於回中兼握兵於岐下五綵百
兩親迎有期納吉問名御輪無爽結援甯同於鄭忽
捧匱孰媿於懷嬴夫人誕自皇闈育于朱邸幼則謝
公庭際詠飛絮以稱奇長則齊主宮中破連環而震

譽言足以中規矩行足以睦宗親才足以助彌綸智
足以辯邪正總是具美歸于令門致允叶於一方非
尋常之四德蘋蘩筐筥無違祭祀之儀絲竹宮商洞
曉鑑鏘之妙始號高平縣主改封楚國夫人祖爲帝
而父爲王兄爲相而弟爲將夫乃霸君之子身爲賢
王之妻享富貴而無雙治閨門而有法嗟乎青天甚
遠痛偕老以莫諧隻翼堪傷抱沈疴而不起未畢三
年之制已縈二豎之災兼之以盜據城池公行剽掠
因茲駭愕遂至彌留大漢乾祐二年己酉歲六月七
日殂于鳳翔府私第享年五十一權殯中堂之奧室

有子一十三人曰永熙永吉永義永忠永幹永榮永
嗣永浩永勝永嵩永固永載永濟女七人長適蘭陵
蕭渥次適高陽許九言次適供奉官趙迓祚次適左
龍武統軍趙匡贊次適前鄜州節院使焦守珪兩人
幼而在室潁川郡夫人蔡氏中郎遠裔太守名家叔
隗黨來我則推賢而讓善孟子云卒此乃繼室者何
人且以骨未化於重泉時已經於一紀痛心疾首叩
地號天大周顯德五年歲次戊午正月原空日用大
禮葬于岐山縣鳳棲鄉附秦王之新塋也昔日鳳凰
之卦式叶同心此時松楸之墳別封偃斧良有以也

何足道哉慘行路以若斯閔英魂而已矣九言門館
下吏儒墨承家偶趨上國以立身幸忝眞王之擇登
今則方拘十室無由伸臨穴之哀雖奉八行不彫之
碎金之作多慙漏落勉副指蹤同憚斐然強爲銘曰
帝王之子兮王公之妻富貴莫二兮今古莫齊智可
照奸兮才堪助理行必合道兮言且中規金石絲竹
兮悉窮其妙織絃纂組兮罔違其道柔良內積兮無
爽和鳴賢善外彰兮式謠窈窕顏如薜英兮未及中
年痛彼殲奪兮遽遘沉綿不醫不卜兮願從下土有
始有卒兮庶叶終天郡號辛勤兮率勵諸子菲食薄

衣兮送歸蒿里英魂烈魄兮宅此佳城萬古千秋兮

識茲名氏刻石

劉從父

全唐文八百六十有傳

按從父王彥超辟掌書記顯德五年朝議郎試大理司直

兼殿中侍御史

修府衙記

缺以序四民之業故曰強不缺致壽昌藏文顯用已

來漸成奸詐眷言缺職四海澄波當閩外之罷征念

關中之待治缺甸斯地也今稱盛府昔號名都黃圖

赤縣缺綺錯里閭星繁臨高乎翼張守要而襟束缺

道往來資糧屣屨之饋治煩按劇非缺靜勤身以致

力因事以制宜鏡懸而遠取四缺後甲每出令以風

行今務昔襦聽徒謠而響合缺溫所以致其附剛而

斷所以滅其私寬而栗缺樹其仁而恤隱絕其利而

革邪引義以正其身缺美曲盡其能比夫黃霸米鹽

細民受賜李崇桴鼓缺語哉於是急務皆臻葺年盡

化嘗以府衙本文昌缺亭祀寢遠棟宇傾頽因周覽

疚懷不怡終日且曰缺高張提八校而正軍容備九

牢而迎缺需于歡有司決具獄之寃裨將展屬鞬之

禮雖迴缺宇荒階畧無完緝寒來暑往但恣因循乃

命度方

缺

於舊趾聳崇構於新規危簷靄若以雲橫

大厦歸

缺

棟虹舒見暫勞永逸之謀見經始厝終之

義觚稜

缺

奐輦飛見府城之改觀加以不貪爲寶以

缺

之高封不輕稼穡耀

缺

絕歌堂舞閣之歡屏飛蓋

照基之樂匪開謀政無

缺

之儀形作

缺

叨依

缺

三千

雖塵接武鐵錢十萬敢謂憐才奉命直書俾刊

缺

將

來時顯德五年歲次戊午九月一日記

石刻

安審琦

審琦字國瑞其先沙陀部人歷官至平盧節度使封
陳王舊五代史周書有傳

請射莊宅奏

臣近於莊宅營田務請射到萬年縣春明門陳知溫莊壹所涇陽臨涇教坊莊孫藏用莊王思讓莊三所營田依例輸納夏秋省租逐年不管藺林桑棗樹木牛具只有沿莊舊管田土一切見係莊宅司管屬欲割歸縣久遠承佃供輸兩稅伏候指揮

金石續編

李瑩

瑩周顯德中登仕郎試大理司直河中護國軍節度

掌書記

栖嚴寺新修舍利塔殿經藏記

蒲城東南十五里抵中條山登山復五里屈栖嚴寺
隋武元皇帝藏舍利之塔廟也邇來因時因事或廢
或興具諸僧史此不復載我國家以聖繼聖武功成
文德修恆思駢天下蒼生於富壽閒其術在於擇長
吏而已丙辰秋八月詔今府主太尉移北庭節度鎮
於蒲蓋北庭之能政聞于天而蒲之疲民渴于理也
一之歲省案牘有節目不利於政者咸去之二之歲
訪井邑有風俗而無益於民者盡革之三之歲千里
之地遠者近者公者私者熙熙閑閑各遂其所屢欲
揭碑表於九達之衢以揚府主之化理府主極詞以

止之然方有暇於宴遊出處用示其成政也已未春
登中條憩栖巖山水形勝盡於厯覽顧謂寮佐曰今
之化人能令終夕之閒佩服道德者甚爲難事佛之
垂教使无量劫出生死海登菩提岸較其功德實懸
天地而或縱其湮沒其如何哉嗟乎佛之像貌去世
逾遠其所遺者有舍利在今塔廟圯毀訖爲平地我
將表飭之佛之言行箸于經文今依山架龕嵐氣腐
潤匪朝伊夕磨滅無睹我將嚴護之於是搜材索匠
揆日僦工始則構高楹闢大字乃壯乃麗軒如翼如
所以覆舍利也中則斲榱桷布龕室乃金乃碧輪焉

矣焉所以藏經文也觀其宏敞之狀固密之功雖歷
永劫無窮崩之憂次使眾生有歸敬之地論者曰佛
之大教囑于正人事立則民敬民敬則福生福生則
清淨之緣結矣今府主以是福力興斯善緣復聞以
少香少花一句一偈者猶獲福无量而此覆舍利藏
經文之功諒百千劫中永爲供養豈不以是法力助
府主之福歷百千劫之後如是者哉瑩幸預賓階實
聞時議況承嚴命因敢直書時大周顯德六年歲次
己未九月癸卯朔九日辛亥稽首謹記石刻

侯殷

殷周廣順中顯陵守當使

蜀國夫人尊勝幢記

伏聞至理希夷視聽罔能究其極真場幽邃知識無

以缺二源斯可謂鑽之彌堅磨而不磷於戲我佛教

演三乘是開方便山摧五蘊拔彼牢籠以像相策初

心以色聲誘迷類覩質勤奉稱一方而缺一善道聆

音省察持一句而滅繁殃而或洞展慈光高燃慧炬

仗缺二於大士尊勝威靈拯異生於眾禽塵沾影拂

殊功莫大曠古傳休墨塵之缺一有窮清峻之猷無

盡今有顯陵司部蜀國夫人崔氏缺一庠宮闕事歷

繁難競競則夜寐夙興惕惕則臨深履薄頻更興廢

惻愴徒增

缺字

身世之

缺二字

念宗

缺字

之

缺字

繇是

口僧口哺匠石鐫文預

缺三字

之因自作全收之利敢

冀堅牢藏衷他時無隱

缺三字

幽遠冥間異日有證明

之瑞紀由敘事和

缺下

時大周廣順二年歲次癸丑四

月辛亥朔二十一日庚口建

石刻

汪少微

少微吳順義中處士歙州人

歙眉子硯銘

松操凝烟楮英鋪雪毫穎如飛人間四絕

東坡雜說

吳懷恩

懷恩番禺人南漢內常侍進開府儀同三司常帥兵北征盡得蒙桂宜連等十一州之地時稱善戰者以懷恩爲首

感報寺銅鐘款文

維大漢乾和十六年太歲戊午閏六月庚辰朔十六日己未弟子萬華宮使桂州管內招討使特進行內侍上柱國吳懷恩鑄造鴻鐘一口重五百斤置於梧州雲蓋山感報寺永充供養上資當今皇帝龍圖永固聖壽萬春謹記

廣西通志

夏侯氏

夏侯氏唐初東鄉同安之妻封臨清郡君

謝禮葬東鄉將軍表

妾夏侯言伏奉今

缺

夫懷慕口及亂

缺

者口奉命取

今十一月十一日禮葬訖禮光逾舊

缺

之仁妾之塵

微何幸今日未亡妾夏侯謹奉表陳謝以聞死罪謹

言

刻石